

貴池縣志卷二十七

知貴池縣事陸延齡重修

人物志

文苑

唐

武瓘以詩名爲蕭倣所賞舉之登咸通四年進士第世傳二絕句其勸酒曰勸君金屈卮滿酌不須辭花發多風雨人生足別離其感事曰花開蝶滿枝花謝蝶還稀惟有舊巢燕主人貧亦歸後爲益陽令杜荀鶴寄詩有縣稱詩人理無嫌日寂

貴池縣志

卷七

人物志

文苑

寥之句可見其概

見唐書孟  
江南通志

盧嗣立有詩名登咸通四年進士第時陳商知貢舉人稱得士

江南  
通志

張喬咸通中僑居長安延興門外與許棠俞坦之吳宰周繇鄭谷李棲遠李昌符温憲張蠙爲詩中十哲時應舉者多乘馬喬獨乘驢鄭少師薰嘗延之試京兆月中桂詩爲時傳誦時李頻爲京兆參軍憐李棠久在場屋首薦之喬竟下第薛尚書能唁之後登天順二年進士以黃巢之亂隱居九華山著詩二卷第霞亦有詩名

本江南通志  
併唐詩紀事

韋彖以能賦名嘗遊京師學士吳融奇其才薦爲京兆貢元歸

隱九華山

江南通志

康駢字駕言居黃老山咸通中貢春官後客秦客洛隨所見聞輒爲記錄黃巢之亂攜歸亡逸殆盡乾符中登第後復於黃老山憶記亡失綴爲二編名劇談錄或曰田頴在宣州聘爲上客或曰仕終中書舍人

江南通志

臧瀆池州詩人以鄉貢試京師不第羅隱有詩送之歸曰賦成無處換黃金卻向春風動越吟天子愛才雖側席諸生多病又沾襟柳探灞岸狂遮袂水憶池陽綠滿心珍重綵衣歸正

貴池縣志

卷七

人物志

文苑

一一

好莫將閒事繫升沈後不知其出處

府志

宋

曹緯字元象以文名元祐閒與劉燾崔執柔劉正夫號四傑官翰林學士著有秋浦集從弟組字元寵亦負文名六舉不第著鐵硯篇以自見宣和中召見玉華閣上親灑宸翰以賜之曰曹組文章之士命題作賦援筆立就上大悅著有箕穎集

二十卷

江南通志並安徽通志

按文獻通考箕穎集註穎昌曹組撰組蓋自貴池徙穎昌今許州府是又宋劉正夫傳言正夫與范致虛

吳材江嶼號四俊與此互異

湯顥字叔度工詩嘗與楊萬里相唱酬句爲時所傳誦舊志

明

孫玘砥行能文工書法時修永樂大典聘玘往以母老辭歸舊志

郎文韶博洽多聞特用郡丞致仕歸卜宅玉臺山麓建聚星樓積書充棟手不停披著有玉臺集一卷子姓蕃衍聚族以居

至今號其地郎家冲府志

劉岐字鳴鳳性忼爽總州工文博綜衆藝以國子生任直隸河間縣丞爲內監所傾歸築猗園鼓琴賦詩其中號石溪子嘗

貴池縣志

卷七

人物志

文苑

三

作拙賦一篇自比於李北地賦鈍何信陽賦蹇之義其詞古雅絕倫一時傳誦者有北征詩林下集留心古蹟補缺正訛實爲一邦之獻見江南通志並府志

姜侃嘉靖時諸生工詩讀書齊山寺一日太守陳應和偕僚屬來見案多吟咏命卽席賦齊山懷古侃應聲曰試問青山酒一甌青山曾見古人不鞭敲明月將軍夜帽壓黃花刺史秋宋室孤忠村裏面華家故址寺東頭數聲漁笛江烟紫望古悲今應淚流太守嘉之畀官湖一段爲魚酒之資見舊志續編拾遺

劉正蒙字養卿工文其詩宗元和體以國子生任浙江湯溪縣

丞遷襄府工正歸江南通志

柯汝瓚兩廣總督相少子幼沈靜閉戶讀書有摘古人名與地名問者輒應無遺誤詩學謝朓晚年膺歲薦不仕年八十餘手不釋卷府志

柯之來字咸虛相之孫工文詩仿七子體澹於榮進不治家人生產嘗與丁紹軾余翹同輯府志後究心理奧以象山餘姚為宗然不為苟同嘗著朱子三大辨於陸氏微義一一析而正之又論湛若水諸經解優於新建春王正月之辨則大非也儒者多躋其說舊志

貴池縣志 卷七 人物志 文苑 四

徐萬春字懋梅萬歷中副貢生善屬文下筆千言立就性耽山水嘗讀書無錫山中交遍一時名士府志

李達字行季幼擅敏才為文頃刻立就天啟中遊京師恥作公卿揖客時魏璫擅政達作詩文刺之卒年四十吳應箕丁燿劉城序其詩傳於世府志

按行季府志作行可

李元允字善承崇禎初副貢生穎異好學不問生產文章為世所重從遊者數百人府志

李憲字源常崇禎庚午舉人有才名為文夏夏獨造或數日不

成一字神理一會則立就扶父喪遇賊刃及其腹不去賊舍之阮大鍼居南都吳應箕爲公揭防亂憲與焉鄭尙書三俊主京察驅除魏璫逆黨殆盡憲實佐之著有茗種齋稿天啟事實一編弟愨字敬仲諸生閉門謝客博覽典墳通篆籀解音律工詩賦國變後幽愁抑鬱日誦離騷或礪佩刀以爲常自刻印章曰瞻彼日月悠悠我思其志亦可哀矣年四十卒

憲見康熙府志愨見舊志並嶧桐集

杜漸郡廩生以貢讓人同庠義之授徒講學洞達性理著有東

明就正錄

謝志

貴池縣志

卷七

人物志

文苑

五

李祚永幼稱神童十四歲補諸生試輒冠軍當時有千里神駿之日春華早折士林惜之

舊志

國朝

姜可久字又久受業吳應箕之門通括經史爲文濡筆立就家素貧教徒自給知縣趙衍禮致之不往曰吾不欲以豬肝累令著作詳藝文

府志

章希翰字萑林敦樸孝友博學多識平居沈靜寡言惟與人論說經史則溯源窮流娓娓不少倦學者稱萑林先生年八十餘卒孫世德登進士第

府志

鮑可大字功甫少孤撫於其叔事叔如父長工文出遊滇黔巴蜀悉覽西南山水之勝發爲詩文乃益奇峭吳忠節應箕死難後可大爲經紀其家劉城贈詩云樓山一片石賴爾護雲根蓋指其事可大城之甥人以為酷似其舅

府志益  
嶧桐集

劉廷鑿字輿父城子承家學又師事吳應箕盡得其傳一時壇坫推重之應箕死撫其孤教之成立城有詩曰王成我子是備卜且相爲其父子以古道相敦勉如此康熙二年以恩貢考授州同知未仕卒著梅根集及他纂述凡數百卷詳藝文

志子漢系亦有文名

江南通志  
益府志

貴池縣志

卷七

人物志

文苑

六

吳非原名應筵字山賓應箕從弟嘗一應童子試不合有司程尺遂棄去專肆力於古自經史外山經地志齊諧稗乘無不綜覽工鐵筆聞佳山水輒裹糧往遊挾鐫刻之具從懸崖劃石留姓名縷詩而去兼善畫家近黃山古牛岡自號古牛耕者詩文聲詰讀者或不能句以爲蹉故又自號蹉齋應箕殉難非撫其孤善教之喻成龍守池紳士無人宅閩者獨懸一榻以禮非總督于成龍聘修江南通志李振裕視學江南按池事竣遣官迎非至釋菜書院因列饗之推爲祭酒非著述甚富而廿一史異同考三唐編年自謂得史家之秘從遊者

劉廷厥廷鋈郎遂沈思倫皆有名於時

見南湖集  
吳非傳

姜展字開之自號石林農者年三十餘尙未學見族兄可久教授村旁稍近之默觀所摹字畫竊聽講解經傳豁然有悟嘗偕儕輩耘耨田中忽狂走大叫曰得之矣人皆笑之他日見其爲蒙童作書皆大駭於是始讀書尤注意古詩聞吳非擅詩名往從之數月辭去蓋非矜淹博展貴性靈意弗善也每耕時則筆墨與俱三時畢則遊山川名勝地其遊九華詩有云山裏尋山一徑穿鹿蹤鳥道破蒼烟世傳誦之

南湖逸  
民傳

郎遂字趙客號杏村由諸生入太學以詩文名於時手輯池陽

貴池縣志

卷七

人物志

文苑

七

韻紀一書闡幽表微搜括殆盡所居杏花村山川明秀徜徉其閒吟咏自得年逾八十弗衰人稱耄而好學

府志

曹晟字集孔參芳季子幼好學寒暑篝燈研求經史隨父母避

難江潭旣遊金陵名益顯先後聘修兩廣雲南通志

府志

曹文懋字敬枚早慧弱冠補諸生文行俱醖潛心性理自署其廬曰敬菴手校薛文清瑄馮恭定夢楨諸書折衷宋儒皆有發明弟文慧字智珠博洽工文肄業成均屢試不遇益自砥礪嘗因親疾習醫集古方書探尋微妙晚築懷清園精研性理旁及史乘博考異同得失著述窮年

府志

胡瑞字彝茲康熙十四年歲貢少擅文名績學工詩至老不輟  
子崑以舉人任江陰教諭能世其業府志

鮑光義孝友工文其詩激昂自喜因亂棄諸生隱於七松里所  
輯周易講義合周程之理邵朱之數一以貫之洵為善本江南通志

李時字男蛾受業吳應箕之門未冠補諸生年十九從之起兵  
應箕妻李氏其姑也壓氣培之敗應箕被執時見姑傷刃墮  
崖下以巾裹創得甥孟堅於草中扶歸養之鄭尙書三俊寄  
書曰足下從樓山已見大志未可以成敗論英雄然已不朽

貴池縣志 卷七 人物志 文苑 八

時自是晞髮長號閉門著述集枕溪亭一書留心東林遺事

自號酒人蓋取陶潛漉酒柴桑之意云見吳子孟堅撰李時傳

吳銘道字復古孟堅子絕意仕進詩文名海內自燕秦兩浙遠  
及滇南萬里經游所至貴人爭延為上客歸休逾古稀其書

目並詳藝文府志

危映璧字東園康熙十七年舉人授內閣中書文名重京師貴

人子弟爭師事之嘗為駢儷文請當路為吳應箕立祠其文  
莊重典貴傳誦至今著有梳山堂集府志

曹風字扶三幼稱神童才思敏捷終日著書康熙三年詔天下



舉優行之士風與其選

府志

章周以孝聞父母年八十餘歿居喪執禮未嘗見齒者三年兄

弟相師友精研經學著有學庸集解義經遵註年七十餘猶

親課生徒一日與子姪論文無病而卒子禮朝領鄉薦

府志

朱鳴皋字聲九孝子應舉次子學業淵博工詩古文詞以歲貢

游太學舉康熙庚子順天鄉試觀政刑曹以瞽疾歸至大耋

復明老成掌故為一邦矜式

舊志續編

杜鑽康熙中恩貢素修純潔閉門講學遠近負笈者日益眾

舊志

續編

貴池縣志

卷七

人物志

文苑

九

章應奇字健可康熙中歲貢踐履端慤以詩文名於時著有環

碧軒集

舊志續編

王時舉字友溪號柯山康熙中歲貢早孤舌耕養母精經學試

輒前矛以歲貢任鳳陽府學訓導所著四書講義頗得程朱

宗旨又有柯山集若干卷

舊志續編

李斯培字作遠性孝友枕藉經史弱冠即為諸生祭酒年甫三

十將及貢而卒時論惜之

舊志續編

吳世尙字六書少肆力於六經子史手自鈔覽至腕脫以左手

作字名其居曰易老莊山房當路交重其博雅而剛介不阿

於時食餼郡庠未貢而卒著書詳藝文

舊志續編

杜芳治字功著康熙三十七年拔貢充教習以知縣用改沐陽

教諭在官數年振興學校所著有四書集要亦草堂文集以

子最官贈文林郎芳泠字次泉乾隆六年歲貢績學嗜古其

文卓然成家著歷朝錄要等書

舊志續編

章應寵字錫友諸生非試事不入城市寢饋經籍尤邃於易晚

年自號易菴子駿飛拔貢生有文名

舊志續編

吳德照字惟鄰乾隆五年歲貢性孝友工詩文講性學族鄰有

貧乏者時周卹之師歿無子殯葬如禮祭掃不懈舉優行五

貴池縣志

卷七

人物志

文苑

十

次爲文皆根理要知府李英聘主講秀山書院多所造就年

八十七猶課孫自娛孫一瓏亦有文名善書法著有翠微山

人集

府志

呂大亮字又貞乾隆中歲貢少負文名不爲靡靡之音造就後

學弟子多登高第

府志

章懷瑗字遽右乾隆中歲貢幼隨父孫虔在英山教諭官舍鍵

戶研經邃於易學嘗集先儒精義作周易粹語具得秘旨子

夢尙拔貢生著有四書合講刪補折衷及文輿三集夢姜夢

篆皆歲貢有文名

府志

周輔字任賢乾隆辛巳進士少膺文譽試卷多炙人口尤深史學後知連江縣事與書院諸生講學論文娓娓不倦文風爲之丕振分校秋闈所得皆名下士期年以誥誤歸士民悼之

采訪冊

曹殿奇字磊英乾隆六年拔貢少博學強記下筆纒纒數千言出入經史築經訓樓奉母課子著述不倦以子麟開官贈文

林郎府志

汪廷霖字晴川乾隆中歲貢好學敦行工詩古文詞士林重之選亳州訓導因病未赴知縣謝錫伯聘修縣志府志

貫池縣志

卷七

人物志

文苑

十一

胡光字覲廷幼穎聰能詩時鄉會試各習一經光應童子試並作五經文知府李暉奇之年十九以五經舉乾隆戊午鄉試九上春官不第年六十始以知縣借補呂四場鹽大使案簡刑清惟日與諸文士課文詩賦有富商訴竈戶於庭貽以重金不受並厲聲責之與上官不合告歸教授生徒年八十有三卒門下士送葬者百餘人采訪冊

王元梅字玉和乾隆庚子進士以詩賦名家試輒冠軍爲文初頗絢爛後歸老確僑寓京師王公貴人多乞其詩文以輝屏幃任河南汝陽縣講學書院親課生徒皆服其教采訪冊

方本豐字御城諸生鍵戶著書網羅典籍手不停披者四十餘

年采訪冊

舒庭交字棠蔭學問淵博寄情山水詩酒自娛無一語臧否人  
物而皮裏自有春秋貧無子有贈金買妾者庭交悉以刻書  
著金山崖詩潘瑛選人

國朝詩萃采訪冊

姜家振字緒聲恩貢生性至孝年將七十尙爲親滌污待弟家  
排交相友愛爲文法宗先正督學葉觀國稱其在思泉大力  
之間生平不欲以時文名稿皆散棄晚有山水之癖而造就

貴池縣志

卷七

人物志

文苑

十一

後進時諄諄講學不倦卒年八十采訪冊

劉藻芬字仲英乾隆庚子副榜時文風競尙膚詞藻芬獨以清  
真雅正爲宗每與翟教授繩祖對榻論文痛懲積習學者靡

然從之采訪冊

房其軒博物通經精於天文知府張士範修府志命繪星圖以

正分野采訪冊

胡學宗字載霖邑廩生通經嗜古閉戶著述不問外事所著廣  
同名氏辨六卷賅括詳明較之陸善經同姓名錄羅長源同

名氏辨實爲完備采訪冊

以上漆志

陳興爵字冠石孝友敦名節與石埭曹以顯相善唱和名埒江

上著有竹甘亭草試具吟等集膺歲薦

謝志

曹兼字百一性孝友少孤貧能以色養處兄弟無閒言學問淵

博落墨千言己未開博學宏詞科刑部常公薦之以有疾弗

克與後制策問天文熒惑對者百餘上拔三人兼第一授欽

天監博士著有聖賢英雄譜太祖少祖宗子支子等品目及

菰蒲燕遊越遊閩遊諸詩草

人物志

姜能興字以功廩生幼嗜學為文原本六經淘汰百家所著詩

貴池縣志

卷七

人物志

文苑

十三

載池陽韻紀齊山志九華山志經藝載試牘行世

人物志

呂宣化字育干為文敏捷前令趙衍評其試牘為飛將軍父歿

慎終盡禮事繼母孝友于兄弟與兄鉉同食廩餼試屢冠軍

人物志

李應甲一名原字天一嗜學工詩洪州馬中丞辟之不就遊京

師文譽益起倦遊歸里事親如孺子友于兄弟耕山釣水援

筆成詩奇峭拔俗著有勿齋詩集

人物志

吳文駿字有聲年六十六父母俱存兄弟五並侍左右親卒哀

號致毀祭必潛然泣下學通經史動遵禮法隱居教授以朱

子小學爲根基著有望華樓集嘗曰周子三代後之伏羲二程三代後之堯舜朱子三代後之孔子識者以爲知言子世尙別有傳

人物志

汪士甯字克生博學善古文辭與弟士寶共有文名子夢蒲家

駿俱登賢書

謝志

陳瀾字汝觀性孝友登嘉靖壬子賢書竹溪王邦憲服其品學

高田吳應箕嘗師之孫遐齡中天啟辛酉副車

人物志

以上新增

桂樹叢字薌巖幼聰穎爲文不甚構思洋洋纒纒數典如

貴池縣志

卷七

人物志

文苑

十四

自已出博覽諸子百家靡不淹貫著作爲時傳誦嘉慶己卯科舉孝廉兩赴春官不第揀選知縣以父老不復會試家居課徒邑中俊秀多出其門卒年八十著有漱芳堂文詩稿以子迓衡官

誥贈朝議大夫

通志

桂青萬字鶯文歲貢生官宣城訓導爲人端重簡默居家孝友施藥濟人工詩善書時有江東二桂之目謂與其弟超萬也著有必香樓制藝嘯月山房詩集陶杜詩說

通志

桂載萬字子穀廩貢生亦青萬弟官太平府訓導性豁達

耽吟咏著有存存山館詩草池春堂賦采訪冊

曹元愷附貢生性廉潔善醫好施濟眼見五代學使羅公

給重遊泮水額著晚香齋詩集二卷人物志

姚翔號鐵舟邑庠生嗜古工詩全稿散軼近刻蘭言集池

陽詩達均選有翔詩通志

王麟趾字履祥

恩賜國子監學正著有洛誥正訛刊刻行世人字解一篇選入

昭代叢書通志

阮式玉邑庠生字警菴砥礪名節取與不苟工詩激昂慷

貴池縣志

卷七

人物志

文苑

十五

慨無靡靡之音著有添一廬詩集通志

姚鵬飛字鯤池博通經史精制藝卓有古大家風範嘉慶

戊寅舉孝廉京師從學者眾丙戌大挑謄錄壬辰選授上

元縣教諭兼掌鍾山書院課士殷勤十餘年歷著官聲著

有時述堂三禮精義九卷文稿四卷詩集四卷子一璿瑾

皆庠生孫冰淵舉人璿殉難杭城另有傳采訪冊

王侍殿號鸞坡歲貢生工詩古文詞著有菜香齋詩草詩

賦多選人試牘采訪冊

王世浚號序賢廩生品純學粹課徒懃懇不計束脩制藝

詩賦選刻試牘行世

采訪冊

章鶴齡號六峰廩生博通經史著有靜觀書屋詩草

采訪冊

方式金歲貢生績學工文善書著有秋浦行吟詩集

采訪冊

程汝梅拔貢生著有香雪堂詩稿

通志

曹霖文生著居易軒詩草一本

通志

章士元號喬峰廩生博學能文著翰門集衍聖公孔毓圻

顏其別業曰心遠館與王元梅曹麟開姜渭川同行北上

合著燕遊詩草

采訪冊

陳錦襄文生明末避寇皖之萬山下課徒講學著有四書

貴池縣志

卷三

人物志

文苑

十一

貫解易論易說易約易響諸書名山大川記序藝遊集隱

求篇隨意錄情至語先甲詠感素吟

采訪冊

陳錦亡歲貢生喜吟咏著有皋亭詩紀康熙壬戌廷試紀

事詩有賜荷尙方分玉液恩霑曠典出璿宮之句

采訪冊

陳原忠文生幼秉異姿博通經史尤工詩著有遲春百首

學使全魁批准刊行分校池陽人物志與管天郊等稟請

建金陵黃文貞公祠並置祀田

采訪冊

陳錦褻明季鼎革時靖南黃公鎮江左裒爲畫策保全大

江南北後靖南被害遂放浪江湖縱情詩酒著有策略四



篇帝王世紀略一篇詩稿一集采訪冊

陳秉遇拔貢生讀書過目成誦制藝有名家風味帥學使

蘭舟曾為之序與銅陵盛嘉祐名列江南七才子著有閨

閣仕宦諸奇書采訪冊

陳錦宮文生著有明紀野聞略正續三十卷虛齋日記正

續三十卷蠡言六卷震部春秋五卷虎彙六卷詩文有自

怡吟集采訪冊

高會龍字雲巖性敏未冠遊庠屢薦未售著書自娛書法

一二王得者寶之詩宗盛唐采訪冊

貴池縣志

卷七

人物志

文苑

十七

李屬官字春城廩生工詩古文辭學者多歸之著作等身

燬於兵燹現存養源書舍文稿采訪冊

陳之瑞號信吾道光丁酉拔貢由廬江教諭陞浙江餘杭

知縣工詩古文書法宗米著有字畫指南周易述義指指

山房消夏草絳雪堂稿采訪冊

姚亮字寅嵐嘉慶甲子北闈舉人為文卓犖有奇氣初選

來安訓導尋補安東遊京師王公貴人多購其文課子弟

居官十餘載上游器重之保升知縣尋卒采訪冊

姚鳳樓字桂林嘉慶癸酉舉人考充覺羅教習平生沈靜

寡言績學工詩尤長書法

采訪册

姚聯登字瀛洲嘉慶丙子舉人以景山教習授南宮知縣初下車與邑人士講道論文文風益振會丁外艱歸接引後進談經史指示不倦服闋補獲鹿知縣未任卒

采訪册

吳其昌號坦齋恩貢生學行篤實以孝友聞家無儋石儲泊如也乾嘉間文風浮靡昌力挽其弊一以清真雅正為宗時從游者奉為指南著有讀經心得三卷存真堂文稿一卷子六彬另有傳

采訪册

檀葆仁字尊五號真吾歲貢生工舉子業屢試冠軍善書

貢池縣志

卷七

人物志

文苑

十八

工詩著有清真集四卷

采訪册

陳之漢文生刻苦攻書自甘淡泊著有桂香齋詩稿

采訪册

陳竑州同銜著秀山志

采訪册

陳之毅文生博通經史長於詩古文詞著有百尺樓文稿

六卷望華草堂詩集四卷史記摘要十一卷

采訪册

王承照字煥然文生績學能文苦心孤詣著咬菜根集植凶年甘餓死弟承熊文生姪世墉廩生安分讀書俱有文

名

采訪册

以上新纂